

文華大訓箴解

文華大訓箴解表

嘉靖十九年正月內 臣道南謹

奏為昭

聖謨以崇

國本事 臣伏攷成化十八年十二月庚午

憲宗皇帝御製

文華大訓成以教

皇太子者

道傳至聖寔為

昭代之良規

治本純王允作

儲宮之懿範竊嘗著解以釋其義茲復獻箴以申其
忱弗揣螽蟷臣勝簞臣誠忻誠忭稽首頓
首上言伏以

聖主建中御九五而應
飛龍之象

儲皇麗正繇千億而開

詒燕之祥自有

天地以來凡為

日月所照有是

父有是

子膺

寶曆而繼繼繩繩作之

君作之

師撫

瑤圖而赫赫業業肇稽駿紀越創麗基軒皇作而紫

電繞樞誕神明之遙胄顯帝起而珠星聚室

臻沕穆之休徵堯勲載隆舜華重協塗山旌

啓明明禹則之垂簡狄生商奕奕湯猷之布

肆若文武佑啓成康三善咸共于上庠六儀

胥誨于東序嗣茲以後浸亦匪彝賈誼陳保
傳於漢朝劉洎疏教養於唐室延至承華之
畧祇為充棟之餘遂闕前編遐披往牒未有
如我

皇明

聖祖

神宗冠百王而全盛我

皇上

聖子

神孫紹千聖而永隆焉者也其惟

憲宗繼天凝道誠明仁敦崇文肅武宏德聖孝純皇
帝

神發天明

聖躋日敬績

高皇昭鑒之錄述

成祖心法之書圖微顯幽特著

文華之大訓搜玄抽秘式彰

奕葉之嘉謨論治直源於虞夏商周綱有條而不

紊論學無采乎濶闡開洛日有序而畢張發

揭悉出於

淵衷體裁皆定於

宸斷煥乎如揭台斗而列宿成象於天沛然若決江

河而百川朝宗於海上騰東壁不獨藻絢于

詞林旁燭西奎真為龜鑑于

天府茲蓋恭遇

皇帝陛下

德廣運而

乃武乃文

道純粹而

至健至正叙九疇敷

皇極峻烈照耀於華夷正百禮凝
神禧協氣薰蒸於穹壤握

乾符以時御雨施而雲行莫

震器以世傳星輝而海濶矧逢

黃離之迪吉夙感

蒼昊之錫靈寶露團霄豫兆

璇源之行澤慶雲映旭先孚

璧景之澄暉

紫詔渙頒

青陽鼎育旁招俊乂慎簡哲髦宅

鶴禁以崇儒咨疑丞而詠輔弼
虎闈而齒胄修禮樂而敦詩書謂

聖功必正於養蒙而

天德自昭於大蓄念終始典于學敷求王人之多聞
於緝熙殫厥心允暨

皇祖之成憲以引以翼不愆不忘

尊所聞行所知盡精微而致廣大

繼其志述其事履中正而樂和平臣快觀

奎章恪贍

天藻龜呈範馬負圖允矣

聖學之精蘊鳳儀廷麟游野昭哉

帝治之馨香竊擬宋受曆之純臣敬上

青宮之典詎希唐會昌之德裕虔陳

丹宸之歲伏望

邁五超三

統一衍萬

德彌久業彌大弘

元化於兩間

謨丕顯烈不承宣

重光於萬世無任瞻

天仰

聖激切忻躍之至謹以所撰

文華大訓箴解裝潢成冊恭進以

聞 三月二十七日欽奉

聖旨爾所進書著覽該衙門知道

文華大訓箴解表

文華大訓箴解卷之一

進學篇

臣莊誦

憲宗純皇帝御製序有曰朕惟人不可以不學學也者所以學修齊治平之道也昔堯舜禹湯文武皆汲汲焉以學仲尼亦嘗有所不服在聖人尚如此故人生八歲入小學十有五年入大學公卿大夫元士之子與凡民之俊秀皆然況為儲副則將有天下國家之寄者可不學乎古人論學多矣有宏綱要旨焉取以為總論而學必

稽古然後有獲故進學之日必先之以明典訓
典訓之要在明義理義理吾性分之所固有而
非自外來也我欲明而知之則所以用力以求
復其本然者自有不容已故窮義理次之然必
親近師儒切磋講論庶其有所啓益而易為功
故資學為次之三所以降聖王不世出處士橫
議自來紛然雜出於其間以乘吾道者非一不
有以辨而擇之能不惑者鮮矣故又次之以擇
習尚大哉

聖言真萬世帝王論學之心法也臣謹解其義附以

四箴其一曰明典訓箴其二曰窮義理箴其三
曰資啓益箴其四曰擇習尚箴

明典訓箴解

解曰曷謂乎明典訓也書曰明明我祖萬邦之
君有典有則貽厥子孫以言乎禹之造夏典則
昭于邦國所當敬守而不違也詩曰穆穆皇皇
宜君王不愆不忘率由舊章以言乎文武之
造周謨訓垂于朝廷所當率循而不越也夫敬
守不違則明微定保而上克繩乎祖武率循不
越則永言配命而下克啓乎孫謀是故古之教

太子者法象象以果育而迪之以大中之極象
震雷以潛修而啓之以至正之矩楚語曰多訓
典刑以納之務慎惇篤以固之誦詩以輔相之
威儀以先後之體貌以左右之明行以宣翼之
恭敬以臨監之勤勉以勸之孝順以納之忠信
以發之德音以揚之於乎觀斯語也所以明典
訓者不在茲乎乃若伊尹述風懲之訓以告太
甲克彰一德之功周公述漆沮之詩以告成王
終紹三后之緒誠可為永法也已我

太祖高皇帝諭曰朕著祖訓錄所以垂訓子孫朕更

歷世故創業艱難慮子孫不知所守故為此
書日夜以思具奏至純繹六年始成編後
世子孫守之則永保天祿苟作聰明亂舊章是
違祖訓矣又諭

皇太子宮臣諸府僚屬曰輔導之臣猶法度之器必
先正已而後正人善德義者正已之法度善惡
者修身之衡鑑汝等輔導諸子必匡其德義明
其善惡使之趨正而不流於邪如此則能盡輔
導之職觀之梓匠雖有林木必加繩削乃能成
器太子諸王必得賢明開導實助乃能成德朕

擇汝等為官僚各宜盡心如經史中古人已行之事可為監戒者采摭其事編次成集朝夕觀覽以廣智識亦有助於輔導臣仰惟

皇上光昭

祖訓肇建

皇史宬以尊藏

訓錄之典豫構

追先閣以大勅

祖德之詩典訓之明於斯至矣臣愚尤願

皇太子作聖之初命官講解而知之惟精切已體認

而行之惟一宋儒程顥亦云為宗社生靈長久之計惟是輔養上德其是之謂乎臣謹上

明典訓箴

箴曰稽古神聖法象乾文義畫爰闡軒紀式明
開物成務秩典敷教東壁發祥南離炳耀堯敷
既揚舜華載宣禹有典則湯有風德丕顯文謨
丕承武烈克開歷後赫赫業業矧居少陽養正
於蒙古訓是力乃隆聖功

皇祖有訓親灑

宸翰斗緯昭回本章郁煥惟

皇紹法達孝純仁

追先有閭

皇史宬成

聖嗣監茲

天藻有奕臣庸作箴萬世無極

窮義理箴

解曰易謂乎窮義理也易曰和順於道德而理
於義窮理盡性以至於命以言乎道之大原出
於天聖人所以窮神而研幾也孟子曰理義之
悅我心猶芻豢之悅我口以言乎道之統會存

乎心聖人所以盡心而知性也夫窮神研幾以契天道之妙則求端於天者罔弗至焉盡心知性以立人倫之極則垂法於人者罔弗至焉是故古之教太子者擴其良知而蚤諭以開發乎聰明養其德性而敏求以緝熙乎問學學記曰大學之教也時習必有正業退息必有居學不學操縵不能安弦不學博依不能安詩不學雜服不能安禮不興其藝不能樂學故君子之於學也藏焉修焉息焉游焉於乎觀斯記也所以窮義理者不在茲乎乃若漢教太子以術數之

學而無格致誠正之功晉授太子以申韓之書
而非修齊治平之道誠可為永戒也已我

太祖高皇帝諭

太子賓客梁真王儀等曰範金鑄玉所以成器尊
師重傳所以成德卿等輔導太子必先養其德
性使進於高明於帝王之道義禮之教及往古
成敗之跡民間稼穡之事朝夕與之論說日聞
謙言無非僻之干積久以化他日為政自然合
道又曰為學之道志不可滿量不可狹意不可
矜志滿則盈量狹則驕意矜則小盈則損驕則

情小則陋故聖人之學以天為準賢人之學以
聖為則苟局於小而拘於凡近則亦豈能充廣
其學哉臣仰惟

皇上光昭

祖訓

文理密察而道贊乎三才

神明潛運而智周乎萬物義理之窮於斯備矣臣

愚尤願

皇太子作聖之初致廣大必盡乎精微極高明必道
乎中庸宋儒朱熹亦云人主之學以明理為先

其是之謂乎臣謹上

窮義理箴

箴曰大哉元命太極流行兩儀攸奠四象攸分
自一而萬浩乎罔既大而無外小而無內自萬
而一淵乎無窮推而無始窅而無終幾微而幽
神應而妙易知簡能瞻前忽後寂然不動感而
遂通誠明無盡允執厥中

皇祖有訓欽乃攸止居仁由義主敬窮理惟

皇紹法入聖超神坤直方大乾純粹精

聖嗣監茲

帝學有光臣庸作歲萬幾惟康

資啓益歲解

解曰曷謂乎資啓益也伊尹告太甲曰啓迪後人無越厥命以自覆以言乎資俊彥以輔儲德斯能凝命於天也周王命君牙曰啓佑我後人咸以正罔缺以言乎資謨訓以開胤緒斯能效法於祖也夫凝命於天則當慎乃儉德時有所啓而後有可乂之功效法於祖則當續乃舊服日有所益而後有可大之業是故古之教太子者或資師傳以講道而必究夫格物致知之端

或資賓友以贊德而必賴夫繩愆弼違之益禮
曰凡學世子及學士必時春夏學于戊秋冬學
羽籥皆於東序春誦夏弦太師詔之秋學禮執
禮者詔之冬讀書典書者詔之禮在韓宗書在
上庠於乎觀斯禮也所以資啓益者不在茲乎
乃若魏之卜蘭諛以贊述殊無就正之規陳之
江總誘以詞華漫非麗蓋之軌誠可為永鑒也
已我

太祖高皇帝諭

皇太子曰天子之子與公卿士庶人之子不同公卿

士庶人之子係一家之盛衰天子之子係天下之安危爾承主器之重將有天下之責也公卿士庶人不能修身齊家取敗止於一身一家若天子不能正身修德其敗豈止一身一家之比將宗廟社稷有所不保天下生靈皆受其殃可不懼哉又曰人君統理天下人情物理必在周知然後臨事不惑吾自起田里至于今日凡治軍旅理民事無不盡心恒慮廢事未當故常深念古人為治必廣視聽凡言之善者吾即行之不善者吾雖不行亦思繹至再果不可行然後

置之慮事貴斷庶幾不眩况汝生長宮掖未涉
世故若局於見聞則視聽不廣且日雖能視所
見不踰於闕耳雖能聽所聞不越於庭而欲以
區區知識決天下之務能一一當理難矣汝宜
親賢樂善以廣聰明逆已之言必求其善順已
之言必審其非如此則是非不混理欲昭然天
下之治可得而致矣汝其敬之母忘朕訓臣仰
惟

皇上光昭

祖訓

聖資天縱而猶

日御講幄以嚮咨

聖政日熙而猶

時蒞台垣以延訪雖無資於啓沃而自有與天合德

者矣臣愚尤願

皇太子作聖之初朝夕納誨務底于熙明夙夜基命
務臻于宥密宋儒程頤亦云人主之學以當務
為急其是之謂乎臣謹上

資啓益歲

歲曰自昔皇王旣彛陳教驚靡齒齒日虎闕稽校

或于東序羽箭干戈乃武乃文式誦式歌或于
上庠詩書禮樂希聖希天先知先覺緝熙厥學
日就月將神識內朗篤實輝光懋昭厥德日新
月盛睿知旁通剛健中正

皇祖有訓佑啓保明周旋武牖顧諟湯銘惟

皇紹法靜虛動直謙謙允濟乾乾不息

聖嗣監茲啓心沃心臣庸作箴萬善惟純

擇習尚箴解

解曰曷謂乎擇習尚也伊尹告太甲曰今嗣王
新服厥命惟新厥德而必追論其習與性成以

言乎性相近習相遠必新厥德乃可以變其所
習也召公告成王曰王敬作所不可不敬德而
必先戒以節性日邁以言乎性本善德本同必
居厥敬乃可以端其所尚也夫新德以變習則
克綏厥猷而天下之善協于一居敬以端尚則
緝熙敬止而天下之動貞夫一是故古之教太
子者所親必正人而薰陶於至善所行必正事
而涵養於懿德戴記曰太子乃生孩提有識三
公三少明孝仁禮義以導習之逐去邪人不使
見惡行於是選天下之端士孝弟博聞有道術

者以衛翼之使與太子居處出入習與智長故切而不媿化與心成故中道若性於乎觀斯記也所以擇習尚者不在茲乎乃若漢開博望苑未聞有馮翼孝德之賢唐闢弘文館亦多引浮藻脩姱之輩誠可為永戒也已我

太祖高皇帝諭省臺諸臣曰朕諸子日久務學必擇端謹文學之臣兼官僚之職日與之居講說經史蓄養德性博通古今庶可以藉天下國家之重但人之相與氣習易移與正人處則日習於正如行康衢自不為偏岐所惑若與邪人處則

日習於邪如由曲徑往而不返不覺入荆棘中
矣又曰人君不能無好尚要當慎之蓋好功則
貪名者進好財則言利者進好術則游談者進
好諛則巧佞者進夫偏於好者鮮有不累其心
故好功不如好德好財不如好廉好術不如好
信好諛不如好直夫好得其正未有不治好失
其正未有不亂所以不可不慎也臣仰惟

皇上光昭

祖訓

惇崇理本而治必審其所尚

澄清化源而教必慎其所習固不待於決擇而自有優入聖域者矣臣愚尤願

皇太子作聖之初尊所聞日進于高明行所知日躋于光大漢臣班彪亦云聖人審所與居而成慎所謂其是之謂乎臣謹上

擇習尚箴

箴曰觀象大壯雷在天上君子履禮必審厥尚觀象大畜天在山中君子畜德必廣厥衷矧惟觀頤養正於始不顯亦臨乃能安止矧惟觀晉自昭則明不見是圖乃能居貞擇術既端慎動

斯言弗慮胡獲惟豫斯立

皇祖有訓諄切懇至以禮制之以義制事惟

皇紹法明燭煌煌知微之彰知柔之剛

聖嗣監茲克儉克勤臣庸作歲萬國咸寧

文華大訓箋解卷之一

文華大訓箴解卷之二

養德篇

臣注誦

憲宗純皇帝御製序有曰朕惟人得天之理於心所謂德也是德也人孰無之而能不失者蓋鮮是以自古聖賢大學教人之法必奉奉以明德為言而大易取象於養蒙作聖之功亦必自德始矧太子天下之本宗社生民所繫可不以養德為先務乎然德之養不一也故總論其綱而其目則有之以端心志焉蓋心為一身之主宰而

志則心之所之天下衆善皆由此出不正其心則所存或牽於外誘之偏不端其志則所守必狃於他岐之惑雖欲強進於善而德非其德矣然此特以養於內者言之彼外焉一言一動與夫衣服飲食之常皆吾心與德之寓也苟有一之不謹則為德之累大矣故次之以謹言動慎服食焉夫德之造進有限而人之逸欲無窮或聲色玩好之求田獵遊觀之縱盤樂自恣奢靡弗約皆所以害吾心喪吾德者尤不可以不戒也故次之以戒逸欲焉大哉

皇言真萬世帝王修德之身法也臣謹解其義附以
四箴其一曰端心志箴其二曰謹言動箴其三
曰慎服食箴其四曰戒逸欲箴

端心志箴解

解曰曷謂乎端心志也舜告禹曰人心惟危道
心惟微惟精惟一允執厥中以言乎帝王之道
本於存心當執乎至中而不可偏也召公告武
王曰玩人喪德玩物喪志志以道寧言以道接
以言乎帝王之學始於立志當守乎至靜而不
可淆也夫執乎至中而致決于惟危惟微之幾

則精一之功深而天德純守于至靜而致謹于
玩人玩物之戒則敬止之學主而王道備是故
古之教太子者諭以三善以充其赤子之良詔
以六德以養其天真之粹舜典帝曰夔命汝典
樂教習于直而溫寬而栗剛而無虐簡而無傲
詩言志歌永言聲依永律和聲於乎觀斯典也
所以端心志者不在茲乎乃若唐之帝範之篇
詞雖藻潤而無格心之要宋之承華之錄說雖
詳曠而無定志之旨誠可為永鑒也已我

太祖高皇帝因朱善進講心箴論之曰人心道心有

倚伏之幾仁愛之心生則枝害之心息正直之
心存則邪詖之心消羞惡之心形則貪鄙之心
絕忠慤之心萌則巧偽之心伏此心不為情欲
所蔽則至公無私自無物我之累矣又曰澹泊
可以養心儉素可以養德縱欲敗度奢侈移性
朕嘗以此訓諸子使知所警戒則可以長保國
家矣臣仰惟

皇上光昭

祖訓

心箴有註必揭

敬一以為入德之基

養心有殿必象

九五以為崇化之地所謂君志定而天下之治成
矣臣愚尤願

皇太子作聖之初審幾於精微而究夫堯舜傳心之
中立志於廣大而察夫成湯制心之義宋儒胡
安國亦云明君以務學為急聖學以正心為要
其是之謂乎臣謹上

端心志箴

箴曰玄渾旋乾黃儀奠坤惟君至大惟心至靈

一哉君心萬化攸出無欲故靜有主則實志有
定向道有定體靜而常覺動而常止緬思精一
虞廷垂訓受中立極體元立命惟神知幾惟聖
克念泰宇涵虛良辰止善

皇祖有訓觀心有亭壺壺不已安安惟欽惟

皇紹法

養心崇德

敬一懋勤

九五恭默

聖嗣監茲之德之純臣庸作箴

元首惟明

謹言動箴解

解曰曷謂乎謹言動也詩曰莫捫朕舌言不可
逝矣以言乎王言如絲所繫者重不可失之於
易也書曰慮善以動動惟厥時以言乎君舉必
書所貴者時不可違乎其幾也六言出乎身加
乎民將有言也擬之而後言斯不失矣行發乎
邇見乎遠將有行也議之而後動斯不違矣是
故古之教太子者幼而居內必求姆傅之溫敬
而寡言者以保抱之使其所聞皆正言長而就

外必求師儒之方正而有道者以諭禁之使其
所行皆正事戴記曰古者年八歲而出就外舍
學小藝焉踐小節焉束髮而就大學學大藝焉
踐大節焉居則習禮文行則鳴佩玉升車則聞
鸞和之聲是以非僻之心無自入也於乎觀斯
記也所以慎言動者不在茲乎乃若李百藥贊
道之賦受之者無虛懷褚無量翼善之記聽之
者無實踐誠可為永鑒也已我

太祖高皇帝諭

皇太子曰君道以事天愛民為重其本在敬身人君

一言一動上通於天下繫於人必敬以將之而後所行無不善也蓋善天必監之不善天亦監之一言而善四海蒙福一行不謹四海罹殃可不敬乎又命儒臣撰

昭鑒錄成有曰朕於諸子常切諭之一舉動戒其輕一言笑戒其妄一飲食教之節一服用教之儉恐其不知民之饑寒也常使之少忍職寒恐其不知勤勞也常使之少服勞事但人情易至於縱恣故令卿等編輯此書必時時進說使知警戒然趙伯魯之失簡漢淮南之招客過猶不

及皆非朕之所望也臣仰惟

皇上光昭

祖訓淵默若神言而世為天下法

思睿作聖行而世為天下則所謂動容周旋中禮者盛德之至也臣愚尤願

皇太子作聖之初遵先聖之法言而非禮勿言效先聖之善行而非禮勿動宋儒胡宏亦云養太子不可以不慎也望太子不可以不仁也其是之謂乎臣謹上

謹言動箴

箴曰聖學之要厥本在心動直則公靜虛則明
言為心聲聲必中律是訓是行敷皇之極動為
世範身必中度可則可象遵王之路右史紀言
慎乃出令遠猶辰告訐謨定命左史紀動敬爾
威儀維民之則維德之基

皇祖有訓

昭鑒有錄其言如綵其德如玉惟

皇紹法作之

君師如金如錫如璋如圭

聖嗣監茲樞機必慎臣庸作箴

中心守正

慎服食箴解

解曰曷謂乎慎服食也詩曰朱帝斯皇以言乎
君嗣之生常謹其初而其禮不容不厚也書曰
惟辟玉食以言乎君位之重當宅乎中而其權
不可不尊也夫能謹其初則大觀在上動不違
則天下望之而不敢越能宅乎中則皇極在上
權不下移天下遵之而不敢僭是故古之教太
子者司服以授之服既無不衷之制膳夫以調
夫味又鮮不正之嗜戴記曰左右之習及其師

卷遠方諸侯不知文雅之詞應群臣左右不知
已諾之正簡聞小誦不傳不習凡此其屬少師
之任也居處出入不以禮冠帶衣服不以制御
器在側不以度上下雜采不以章忿怒說喜不
以義賦與集讓不以節凡此其屬少傅之任也
飲酒而醉食肉而餒飽而強饑而憊暑而渴寒
而嗽寢而莫宥坐而莫侍行而莫先莫後凡此
其屬少保之任也於乎觀斯禮也所以慎服食
者不在茲乎乃若太公因成王嗜鮑食而禁之
不登于俎史佚因成王加元服而祝之使近于

民誠可為永法也已我

太祖高皇帝諭

皇太子諸王曰汝等聞修德進賢之事乎夫澡率雍
佩為身之容恭敬溫良為德之容見於外者可
以知其內也古之君子趨踰有節升降有數周
旋跬步而不違於矩度者由其德充於內而著
乎外也所以器識高明而善道日臻惡行不見
而邪僻益遠已德既修自然足以服人賢者彙
進而不肖者自去能修德進賢則天下國家未
有不治不知務此者必多取敗夫貨利聲色為

伐德之斧斤謹使諷諫乃杜賢之荆棘當拒之
如虎狼畏之如蛇虺苟溺於所好則必為其所
陷矣又曰汝知農之勞乎夫農四體勤五穀身
不離畎畝手不釋耒耜其所居不過茅茨草榻
所服不過練衣布裳所飲食不過菜羹糲飯而
國家經費皆其所出故今汝知之凡一居處服
食之間必念農夫之勞取之有度用之有節使
之不至於饑寒方盡為上之道臣仰惟

皇上光昭

祖訓法大舜以章衣藻尤致嚴于

端凝之殿法大禹以菲飲食尤致省于

耕歛之亭所謂聖王以敬為修身立政之本臣

愚尤願

皇太子作聖之初

清明在躬法服必稱其度

理義悅口鼎食必顧以貞唐臣張蘊古太常寺卿云

間之夏后一饋十起亦有魏帝牽裾不止其是

之謂乎臣謹上

慎服食箴

箴曰書紀章服山龍黼黻錦衣九重惟辟作福

禮謹膳羞滫瀡薤膾玉食八珍惟辟作威服以
彰德被袞象乾服之不衷司服糾愆食以頤貞
升鉉主鼎食而非禮膳宰致驚趨以肆夏既匡
既敕食以采齊有芬有苾

皇祖有訓穆穆明明宵衣惟儉肝食惟勤惟
皇紹法慎獨謹節

燕弁有章

御廩有說

聖嗣監茲細行必矜臣庸作歲

至德文明

戒逸欲箴解

解曰曷謂乎戒逸欲也。皋陶曰無教逸欲有邦以言乎人君體健以為先不可恣情而靡盬也。周公曰君子所其無逸以言乎人君居敬以為所不可縱欲而忘戒也。夫體健為先則自強不息而中正以貫天下之道居敬為所則自治益嚴而憂勤以成天下之務是故古之教太子者禁於未發以養其本然之中過於將萌以節其自然之和。戴記曰不論先聖王之道不知國君蓄民之道不見禮義之正不察應事之理不博

典傳不閑威儀凡此其屬太師之任也不惠於庶民無經於百官不信於諸侯不誠於賞罰不厚於德不強於行凡此其屬太傅之任也處位不端受業不敏進退卽度無禮升降揖讓無容凡此其屬太保之任也於乎觀斯記也所以戒逸欲者不在茲乎乃若唐之許敬宗獻太子以搖山玉彩未聞逸豫之規宋之蔡京娛太子以異域寶器不覩防微之訓誠可為永戒也已我

太祖高皇帝諭

皇太子曰自古帝王以天下為憂者惟創業之君中

興之主及守成之賢君能之其尋常之君不以
天下為憂反以天下為樂國之自此而殆何也
帝王得國之初天必授於有德者然頻履憂患
而後得之其得之也難故其憂之也切若繼體
守成之君常存敬畏以祖宗憂天下之心為心
則能永受天命苟生意怠惰危亡必至可不畏哉
又曰前代庸君暗主莫不以垂拱無為藉口縱
恣荒寧不親政事孰不知治天下者無逸然後
可逸若以怠惰荒寧為垂拱無為帝舜何以曰
耄期倦于勤大禹何以惜寸陰文王何以日昃

不食且人君日理萬幾怠心一生則庶務壅滯
貽患不可勝言朕即位有年常以勤惕自勉未
旦即臨朝晡時而後還宮夜卧不能安席披衣
而起或仰觀天象見一星失次即為憂惕或量
度民事有當速行者即次第筆記待旦發遣朕
非不欲暫安但祇畏天命不敢故爾臣仰惟

皇上光昭

祖訓既建

無逸殿以書

先皇稼穡之詩復構

恭默室以紹高宗惕厲之戒所謂有內聖之德必
有外王之業者矣臣思尤願

皇子作聖之初

存心警畏而昧爽不顯

懋學憂勤而夕惕無違宋儒魏了翁亦云古之人
君以天位為至艱至危其是之謂乎臣謹上

戒逸欲箴

箴曰至健無逸體乾之剛一日萬幾兢業惟康
至靜無欲法艮之止一心萬化於穆不已朝而
訪道師保在前太公順應無時不然晝而咨政

丞弼在側至正明達無入不得功崇惟志業廣
惟勤教學有獲昭德惟新

皇祖有訓無逸乃迨保邦未危叙倫有極惟
皇紹法祗若寅恭懍大成裕明作有功

聖嗣監茲有嚴有翼臣庸作歲

至誠無息

文華大訓箴解卷之三

厚倫篇

臣莊誦

憲宗純皇帝御製序曰朕惟人倫有五曰父子有親
君臣有義夫婦有別長幼有序朋友有信即虞
書所謂五典周書所謂五教戴記所謂五達道
者或詳言之曰七教十義或異言之曰三綱四
行或總明之曰人文八記皆不越此五倫而已
此五倫者出於天性皆所當厚而父子長幼夫
婦三倫尤所當厚也日中所謂隆孝敬則父子

親矣悖友愛則長幼序矣重內儀則夫婦別矣
睦宗戚則親與序別之推俱備矣大哉

皇言真萬世帝王明倫之家法也臣謹解其義附以
四箴其一曰隆孝敬箴其二曰悖友愛箴其三
曰重內儀箴其曰睦親戚箴

隆孝敬箴解

解曰曷謂乎隆孝敬也伊訓曰立愛惟親立敬
惟長以言乎人君之盡倫當始於愛敬以建家
國之極也孝經曰聖人因敬以教敬因親以教
愛以言乎人君之悖教當推其孝敬以感和平

之化也夫盡倫建極則至治馨香達于神明有以經綸天下之大經惇教弘化則泰和洋溢于宇宙有以裁成天地之大道是故古之教太子者過廟則趨過闕則下所以示之孝執誓而饋執爵而醕所以示之悌禮曰立愛自親始教民睦也立敬自長始教民順也教以慈睦而民貴有親教以敬長而民貴用命孝以事親順以聽命錯諸天下無所不行於乎觀斯禮也所以隆孝敬者不在茲乎乃若文王為世子而孝行載於禮成王朝宗廟而敬德歌於詩誠可為永

法也已我

太祖高皇帝諭曰朕荷先世積累之勤慶及於朕躬
撫臨億兆今遵行令典尊崇先代齋肅一心對
越神靈肅蒿悽愴若或見之奉先思孝祭神如
在誠敬無間神靈其依蒞或有間非奉先思孝
之道也又

命書古孝行及起家艱難身所經歷之事為圖以
示子孫諭侍臣曰朕家本業農祖父皆長者世
承忠厚積善餘慶以及於朕今圖此者使後世
觀之知王業艱難也臣仰惟

皇上光昭

祖訓肇崇

宗廟以極禋祀之誠大享

明堂以通神明之德禘

初祫於數千百載之後祔

顯陵於數千百里之遙雖虞舜大孝武王達孝無以
復加矣臣愚尤願

皇太子作聖之初

孝因至性而察於人倫

敬本淵衷而達乎天德宋儒真德秀亦云知父母

之心者可以知天心知人君之道者可以知天道其是之謂乎臣謹上

隆孝敬箴

箴曰大哉孝乎天明地察以首三綱以基萬化至哉敬乎享帝仁親以參三極以洽百靈一曰三朝孝思維則問寢視膳是曰至德三老五更敬施惟崇憲典乞言是曰至恭始于家邦終于四海爰敦天倫爰熙帝載

皇祖有訓本本水源燦然有文翕然有恩惟
皇紹法

純孝熙敬

廟典稽周

稷思慕舜

聖嗣監茲世德克承臣庸作箴萬國儀刑

惇友愛箴解

解曰曷謂乎惇友愛也書曰惟孝友于兄弟以言乎友生於孝天性也不可改也詩曰因心則友以言乎友生於心天顯也不可越也夫友生於孝則自吾親一體而推之以擴乾父坤母之情是之曰理一友生於心則自吾心一念而推

之以嚴君尊臣卑之等是之曰分殊是故古之
教太子者入學齒曹約之以遜恭之禮嚴廟收
族博之以敦叙之仁晉語曰文王在傳弗覲處
師弗煩敬友二號惠慈二祭及其即位也詢于
八虞度于閼天謀于南宮是以億寧百神而柔
和萬民於乎觀斯語也所以悖友愛者不在茲
乎乃若唐玄宗宴諸王于花萼樓而為長枕大
被之好宋仁宗宴諸王于睦親宅而有叔掖蘭
閨之頌誠可為永鑒也已我

太祖高皇帝嘗問

皇太子近日講說何書對以漢七國謀叛事

上曰景帝為太子時嘗投局殺吳太子以激其怒及為帝又聽晁錯之說輕意黜削諸侯王土地七國之變實由於此若為諸子講此則當言藩王必上尊天子下撫百姓為國家藩輔以無撓天下公法如此則為天子者知敦睦九族隆親親之恩為諸子者知夾輔王室盡君臣之道又諭廷臣曰先王封建所以比民周行之而久遠秦廢之而速亡漢晉以來莫不皆然其間治亂不齊特顧施為何如爾要之為長久之計莫過於

此臣仰惟

皇上光昭

祖訓推仁恩于

宗室而

詔諭屢頒廣友愛于

藩輔而

恩賚存錫貺粟帛以重老老之典賜書幣以篤親親
之仁雖武王頒玉成王歸禾無以復加矣臣愚
尤願

皇太子作聖之初

承乾繼體必溥維城之德

顯比惇親必明于蕃之分宋儒程頤亦云建立萬國所以比民親輔諸侯所以比天下其是之謂乎臣謹上

惇友愛箴

箴曰武頒寶王宗彝有爛大邦維屏大宗維翰成歸嘉禾穎粟實堅四國于蕃四方于宣鵲鶴興歌鳥驚奏雅周道燦然誰其作者嗣時厥後古風式微豆箕有謠瓜實有詞念茲天潢夾輔京室磐石為宗泰山作礪

皇祖有訓敦睦藩服燕謀惟芑鴻圖惟敷惟
皇紹法肫肫其仁璇源衍胄王牒展親

聖嗣監茲友愛天至

臣庸作箴

本支百世

重內儀箴解

解曰易謂乎重內儀也易曰王假有家勿恤吉
以言乎王者修身以樹內則而乎乎人心不必
憂勤而自獲元吉也禮曰天下內和而家理以
言乎王者齊家以正內治而昭乎天德不出戶
庭而自成元化也夫內則樹而乎人心則其誠

有孚而天地之大義以立內治正而昭天德則其儀不忒而家國之大順以達是故古之教太子者創孺子之室而其分嚴有以謹之于始就外傳之舍而其禮備有以成之于終禮曰天子聽男教后聽婦順天子理陽道后治陰德天子聽外治后聽內職教順成俗外和內順國家理治此之謂盛德於乎觀斯禮也所以重內儀者不在茲乎乃若塗山產啓遂承夏后之元龜太任開文克永周家之寶曆誠可為永法也已我

太祖高皇帝諭

皇太子諸王曰吾持身謹行汝輩所親見吾平日無
優伶嬖近之狎無酣歌夜飲之娛正宮無自縱
之權嬪妃無寵幸之昵至若朝廷政事稽於衆
論參決可否惟善是從每旦星存而出日入而
休慮患防微如履薄冰故與爾等言之使知持
守之道又

命大學士朱善講周易至家人諭之曰齊家治國
其理無二使一家之間長幼內外各盡其分事
事循理則一家治矣一家既治達之一國以至
天下亦舉而措之爾朕觀其要只在誠實而有

威嚴誠則篤親愛之用心嚴則無閤門之失臣仰
惟

皇上光昭

祖訓首頒

仁孝皇太后內訓以嗣

高后之懿教繼梓

慈仁皇太后女訓以揚

先帝之成範所謂為法於天下可傳於後世爾矣臣

愚尤願

皇太子作聖之初

象易之家人以立中正之方

敷禮之內則以效明章之治宋儒周敦頤亦云治天下觀於家治家觀身而已矣其是之謂乎

謹上

重內儀箴

箴曰兩儀幹運三才奠位坤德中含陰教內治
履都誕堯媽汭儀舜就日如神配天作聖簡狄
生商姜嫄欣周帝圖昭錫天眷申休太任思齊
太姒思媚懿範式昭徽音允嗣漢之明德宋之
宣仁克閑家法永播賢聲

皇祖有訓

孝慈有傳寶典焜煌瑤編璀璨惟

皇紹法有乎威如

內訓有典

女訓有書

聖嗣監茲端本善則臣庸作箴上昭

峻德

睦宗戚箴解

解曰曷謂乎睦宗戚也大傳曰同姓從宗合族
屬異姓主名治際會以言乎禮莫大於分而同

姓異姓之親各有其等也周禮曰金路鉤樊纓九就建大旂以賓同姓以封象路朱樊纓七就建大赤以朝異姓以封以言平分莫大於名而同姓異姓之封各有其器也夫禮先於分則收族屬以嚴宗廟者不容於緩矣分先於名則正體統以尊朝廷者莫之敢踰矣是故古之教太子者履信思順以承天之道講信修睦以順人之情禮曰公族朝於內朝內親也外朝以官體異姓也宗廟之中以爵為位崇德也宗人授事以官尊賢也登餼受爵以上嗣尊祖之道也公

與族燕以齒而孝弟之道達矣於乎觀斯禮也
所以睦宗戚者不在茲乎乃若漢之金張許史
越禮則無叙宋之高曹向孟守禮則有恒誠可
為法戒也已我

太祖高皇帝追封

太原長公主冊文曰朕惟古之君天下者既追尊
祖考又及於兄弟之親所以叙彝倫昭恩義帝王
之先務也朕當艱難之秋賴

祖宗積德

上天眷命削平僭亂統馭華夷每念我

皇妣生兄姊及朕六人今富有天下貴為天子劬勞
之恩無從以報而兄姊復無在者骨肉之親感
悼無已稽之古典宜有褒顯以稱追崇可封為

太原長公主又

命駙馬都尉王恭為福建行省叅政諭之曰國家
用人惟才是與使苟賢無間於踈遠使不肖何
恤於親昵福建從昔富庶元末困於敵政朘削
尤甚民困未蘇今命汝往撫綏之汝母恃親故
以生驕恣貽患於民國家政令一本至公爾不
能守法失人臣之道朕亦豈敢縱法違天下公

議汝其欽哉臣仰惟

皇上光昭

祖訓

至仁覆冒以法堯之敦族

大智濬哲以效舜之察倫所謂有惻怛之愛有忠
利之教爾矣臣愚尤願

皇太子作聖之初

親親有典而仁逮于行葦之敦

賢賢有序而禮周于萬羅之施宋儒周敦頤亦云
善則和親而已矣其是之謂乎臣謹上

睦宗戚箴

箴曰三善既備九族既敦凡厥戚屬咸沐殊恩
昔在漢初萬石謙謹迨于馬廖濯龍致警昔在
宋初諸杜徽柔迄于曹佺貫魚無邇蘭畹飘香
桂池流馥賁飾文腴豐澤霑渥貴不期驕富不
期侈疇與節庶永終厥譽

皇祖有訓以禮以仁肅然如秋溫然如春惟
皇紹法光凝休命處之以中裁之以正

聖嗣監茲睦姻任恤臣庸作箴

建其有極

文華大訓箴解卷之三

文華大訓箴解卷之四

明治篇

臣莊誦

憲宗純皇帝御製序曰朕惟古昔帝王之圖治罔不夙夜祗勤誠以天下之大萬幾之繁繫乎一人甚重也苟非理明而素定于中求其事至而應之無失者亦難矣惟

天有成命我

祖宗受之以啓丕圖貽我後之人其日監在茲赫然

猶

祖宗之時也敢不敬乎况庶政得失庶徵休咎應焉
尤天意之昭灼者也故欲明治道其必自敬天
命始敬之所寓莫嚴于祀

天而尊

祖配

天之義

宗廟饗祀之制莫不有告焉有報焉有祈焉下逮群
祀亦猶是也其可瀆乎故嚴祀典次之近而朝
廷天工之代在群臣也故辨人才待臣工次之
大哉

皇言真萬世帝王治天下之大法也臣謹解其義附
以四箴其一曰敬天命箴其二曰嚴祀典箴其
三曰辨人才箴其四曰待臣工箴

敬天命箴解

解曰曷謂乎敬天命也伊尹告太甲曰惟天無
親克敬惟親以言乎天命無常惟德是輔人君
當修德以享天心也周公告成王曰嚴恭寅畏
天命自度以言乎天有顯道厥類惟彰人君當
凝道以承天祐也夫修德以享天心則君心與
天心為一體淵淵其淵而萬化出矣凝道以承

天祐則君道與天道為一致浩浩其天而三才
位矣是故古之教太子者於其始生而齋肅端
冕以見於天乃所以開受命之端於其繼體而
玉藻龍卷以象乎天乃所以崇基命之本禮曰
天無私覆地無私載日月無私照奉斯三者以
勞天下此之謂三無私於乎觀斯禮也所以敬
天命者不在茲乎乃若周成王述敬天之詩而
不敢康寧宋仁宗作敬天之圖而罔敢昏逾誠
可為永法也已我

太祖高皇帝諭

皇太子諸王曰人君之德天之德也天之德剛健中正故運行不息人君體天之德孜孜不倦則庶事日修若怠惰侈肆則政衰教弛虧損天德而欲永保天命者未之有也又曰天道微妙難知人事感通易見天人一理必以類應稽之往昔君能修德則七政順度雨暘應期災害不生不能修德則三辰失行旱潦不時災異迭見箕子以是告成王以為君人者之儆戒今宜體此下修人事上合天道臣仰惟

皇上光昭

祖訓裡祀

泰壇而無幽不格

祇薦

泰號而有赫其臨凡

御深宮大庭之時願若

郊天

饗帝之際自古人君之敬天命未有能越焉者矣

愚尤願

皇太子作聖之初

法帝堯之欽若而文思安安

法文王之昭事而小心翼翼宋儒胡寅亦云人君不可不知乾道其是之謂乎臣謹上

敬天命箴

箴曰皇皇大運蒼蒼上玄三垣中列七政左旋
春元發生夏亨長育秋利平秩冬貞歲復五行
順序萬象昭明陰陽交盪真精翕凝人君法象
咸有一德歲省無愆日監有赫敬天之渝無敢
馳驅法天之道惟日居諸

皇祖有訓惟天無常惠迪則吉純佑則昌惟
皇紹法

大報惟誠明馨上達

玄德中升

聖嗣監茲敬之敬之臣庸作箴

天惟顯思

嚴祀典箴解

解曰曷謂乎嚴祀典也易鼎之彖曰聖人亨以享上帝以言乎帝王觀木火之鼎而大象昭焉郊以祀天而盡仁也渙之象曰風行水上渙先王以享于帝立廟以言乎帝王觀風水之渙而至文著焉廟以祀祖而盡孝也夫惟仁人為能

事天自郊而下百神於是乎成秩矣惟孝子為
能享親自祖而下百禮於是乎脩洽矣是故古
之教太子者郊見而祇栗所以豫養其法天之
仁廟見而肅趨所以豫啓其法祖之孝禮運曰
禮行於郊而百神受職焉禮行於社而百貨可
極焉禮行於宗廟而孝慈服焉禮行於五祀而
正法則焉於乎觀斯禮也所以嚴祀典者不在
茲乎乃若大舜類上帝而禋六宗武王尊烈考
而右文母誠可為永法也已我

太祖高皇帝曰自昔聖帝明王之有天下莫嚴於祭

祀故當有事內必致其誠敬外必備其儀文所以交神明也朕誕膺天命統一海宇首崇祀事顧草創之初典禮未備其何以交神明致靈貺今有國大祀曰

園丘方澤

宗廟社稷其各具沿革以進又曰祭祀在乎誠敬不在乎物之豐薄物豐矣而誠有未至神不享焉物雖薄而誠至神必享之所謂東鄰殺牛不如西鄰之禴祭嘗聞以德受福不聞以物受福也臣卽惟

皇上光昭

祖訓肇復

四郊正

天地

日月之位載崇

九廟虔

祖宗

考妣之祀凡

大禘大祫以至四時之享

先農先蠶以暨百神之禋自古帝王之嚴祀典未有

備於此者矣臣愚尤願

皇太子作聖之初

精明其德恒如七聖之持

兢惕其心儼若馨香之薦宋儒程頤亦云王者萃
人心之道至於有廟極也其是之謂乎臣謹上
嚴祀典箴

箴曰古聖作則尊尊親親壇坎攸區廟墀攸分
惟仁享帝泰時奠位天宗有祈明堂有配惟孝
享親宗祏惟明丞嘗有序禘祫有倫徧于群神
以洽百禮爰奠玉帛爰陳牲醴明德惟馨精意

以格以觀耿光以揚大烈

皇祖有訓祀事孔明致慤致愛必躬必親惟

皇紹法

祀儀有典以妥以侑至微至顯

聖嗣監茲是訓是行臣庸作箴

享于克誠

辨人才箴解

解曰曷謂乎辨人才也禹曰知人則哲能官人
以言乎圖治莫難於知人在秉哲以拔才而後
克克其任也伊尹曰敷求哲人俾輔于爾後嗣

以言乎翊儲莫要於得人在迪哲以贊德而後
可責其成也夫所謂拔才匪直采諸物望以尚
虛名而已必視其所以觀其所由察其所安而
無遺情是之曰秉哲所謂贊德匪直縻以官爵
以求備員而已必諭之道術傳之德義保其身
體而無虛飾是之曰迪哲是故古之教太子者
特簡大僚以充師保之任旁招多士以備賓友
之官戴記曰篤仁而好學多聞而道慎天子疑
則問應而不窮者謂之道誠立而敢斷輔善而
相義者謂之充潔庶而切直匡過而諫邪者謂

之弼傳聞而強記接給而善對者謂之承於乎
觀斯記也所以辨人才者不在茲乎乃若穆生
缺醴而見幾有介石之操桓榮賜車而歆羨育
孕願之態誠可為永鑒也已我

太祖高皇帝諭

皇太子曰用人之道當知姦良人之姦良固為難識
惟授之以職試之以事則情偏自見若知其良
而不能知其姦而不能去則誤國自此始矣
歷代多因姑息以致姦人惑侮未知之初一槩
委用既識其姦退亦何難曰用賢勿貳去邪

勿疑爾等其慎之又曰純良之臣國之寶也殘
暴之臣國之蠹也自古純良者為君造福而殘
暴者為君致殃何謂純良處心公忠臨民豈第
雖才有不逮者不至於傷物所謂日計不足月
計有餘也何謂殘暴恣睢擊搏遇事風生鍛鍊
刑獄拊剋聚斂雖若快意一時而所傷甚多故
武帝任張湯而政事乖光武褒卓茂而王業盛
此事甚明可為明鑒臣仰惟

皇上光昭

祖訓

知人遠禹必察其心術之微

敷哲超湯必稽其德藝之著所謂帝王之德莫大
於知人是已臣愚尤願

皇太子作聖之初

文明以照幽遐而擇之必精

撝謙以禮耆舊而用之惟慎漢臣賈誼亦云太子
之善在於蚤豫教與選左右其是之謂乎臣謹
上

辨人才箴

歲曰軒皇六相虞帝九官仰清穹倪俯學壤端

矧若元嗣寔資良弼嘉謀嘉猷以引以翼或論
道術養其德性近朱者赤近繩者正或傳禮義
稽其問學如金斯礪如玉斯琢凡厥有位登崇
俊良出入起居罔有弗臧

皇祖有訓甄才授職純臣是寶佞人必斥惟

皇紹法神明內蘊藻鑑惟公辨別必正

聖嗣監茲取人以爲中臣庸作箴允也大成

待臣工箴解

解曰曷謂乎待臣工也中庸曰敬大臣則不貳
體群臣則士之報禮重以言乎君之遇臣隨其

任有不同當推誠以待之也立政曰克知三有
宅心灼見三有俊心以言乎君之知臣隨其才
有不同當炳黷以燭之也夫推誠以待之則有
道者得以盡其忠而讒邪罔間爾矣炳黷以燭
之則有志者得以効其用而檢小罔惑爾矣是
故古之教太子者慎擇師傅承弼之官以端其
型範茂選馮翼孝德之士以礪其切磋禮曰太
傳審父子君臣之道以示之少傳奉世子以觀
太傳之德行而審喻之太傳在前少傳在後入
則有保出則有師是以教喻而德成也於乎觀

斯禮也。所以待臣工者不在茲乎。乃若漢叔孫通之敢言而猶假于四皓羽翼之功。唐李世勣之留輔而終藉于五王贊助之力。誠可爲永鑒也已。我

太祖高皇帝諭

東宮官屬曰：汝知所謂重器乎？對曰：非商彝周鼎乎？

上曰：汝所謂商彝周鼎者，非重器也。太子者，天下之重器也。人有憂患，尚知寶愛太子，承主重器，豈得不寶愛之乎？當憂之者，必擇端人正士，以爲

輔翼朝夕與居使其熟聞善言不邇誠行自然
漸漬以成其德若惟委之於便嬖近習是委重
器於途而不知寶愛之矣汝等日輔太子講論
誦說之時必導之以正使其道明德立才器充
廣庶幾他日克勝重任則可以副朕所望又

諭廷臣曰古者不備其官惟賢能是用朕以廷臣
有才望勲德者兼東宮官非無謂也嘗慮廷臣
與東宮官屬有不相能遂成嫌隙或生姦謀離
間骨肉其禍非細若江充之事可為明鑑朕今
立法今省臺都督府官兼東宮贊輔之職父子

一體君臣一心庶幾無交構之患也臣仰惟

皇上光昭

祖訓

清心以出治而股肱必擇其良

純心以任賢而金玉用汝作礪所謂聖主必待賢

臣而弘功業者是已臣愚尤願

皇太子作聖之初

體貌隆于師傅而務學時敏

麗茲資于賓僚而作德日休宋儒范祖禹亦云君

以知人為明臣以任職為良其是之謂乎臣謹上

待臣工箴

箴曰三公論道握樞贊機天工是代斗氣斯輝
六卿分職經野體國家職是補台垣斯列百官
效用亮采浚明庶績咸熙大猷允升矧茲官條
職專輔弼前望後供左旦右奭或如腹心或如
股肱師儒考德賓輔稽功

皇祖有訓相須一體遇之以恩待之以禮惟
皇紹法顯忠遂良金玉其相追琢其章

聖嗣監茲望道如見中庸作箴

昭回雲漢

文華大訓 歲解卷之四

文華大訓歲解卷之五

明治篇

臣莊誦

憲宗純皇帝御製序又曰遠而四方天之視聽在民也故恤民隱次之臣民之賢率本於教教化之行必先於養制禮以端其俗立樂以和其志此教之大方也故崇教養正禮樂又次之至於審聽納則無壅蔽之患而上下之情通大哉

皇言真萬世帝王治天下之大法也臣謹解其義附以四箴其一曰恤民隱箴其二曰崇教養箴其三

三曰正禮樂箴其四曰審聽納箴

恤民隱箴解

解曰曷謂乎恤民隱也五子之歌曰民可近不可下民惟邦本本固邦寧以言乎民之向背繫乎君當知其邦本所在而不可虐也召公之詰曰有王雖小元子哉其不能誠于小民今休王不敢後用顧畏于民若以言乎天之視聽存乎民當知其天命所在而不可緩也夫知其為邦本所在則民之所好好之民之所惡惡之不拂乎人情之公知其為天命所在則天視自我民

視天聽自我民聽不違乎天道之正是故古之
教太子者在書有若無逸論以民生稼穡之艱
在詩有若豳風誨以民風淳朴之厚禮表記曰
故君民者子以愛之則民親之信以結之則民
不倍恭以涖之則民有孫心於乎觀斯記也所
以恤民隱者不在茲乎乃若干志寧論以民生
利害聿昭直道張玄素諫其驕秦傷民足垂鑑
論誠可為永鑒也已我

太祖高皇帝命

皇太子諸王往臨濠謁

陵諭之曰世稱商高宗周成王為賢君者汝知之乎
高宗舊勞于外知民疾苦成王早聞無逸之訓
知稼穡之艱難故其在位不敢暇逸能修勤儉
之政為商周令主今汝諸子生於富貴未涉艱
難人情習於宴安必生驕情況汝他日皆有國
家不可不戒今使汝等於郡縣遊覽山川經歷
田野因道途之險易以知鞍馬之勤勞觀小民
之生業以知衣食之艱難察民情之好惡以知
風俗之美惡耶

祖宗陵墓之所訪求父老問吾起兵渡江時事識之

於心以知吾創業之不易也又曰朕每觀尚書
至敬授人時嘗嘆敬天之言後世中主猶知之
敬民之事則鮮有知者蓋彼自謂崇高謂民皆
事我者分所當然故威嚴日重而恩禮寢薄所
以然者只為視民輕故也惟能知民與已相資
則必無慢視之弊故曰可愛非君可畏非民衆
非元后何戴后非衆罔與守邦古之帝王視民
何嘗敢輕故致天下長久者以此而已臣仰惟

皇上光昭

祖訓溫論覃被視四海猶一家

恩詔存頒視萬民猶一體所謂齊民即天下以仁而民從之是已臣愚尤願

皇太子作聖之初上昭於天之明畏而敬哉有上下軫於民之幽隱而食哉惟時宋儒朱熹亦云天下國家之大務莫大於恤民其是之謂乎臣謹上

恤民隱箴

箴曰乾元稱父坤元稱母兆民猶子藐焉中處堯仁如天加志窮民授時播教民俗惟淳舜德好生御衆以寬阜財解民困惟安大禹胼手成湯剪爪拯溺救焚精格守是文王輯和武王

救寧學生復性化被養生

皇祖有訓千聖一道不侮鯀桀無告惟

皇紹法天矜下民乎乾資始坤資生

聖嗣監茲視民如傷臣庶作民四方為綱

崇教養箴解

解曰句謂乎崇教養也易曰聖人以神道設教而天下服以言乎天道至神而四時成聖人所以法天而立道也書曰德惟善政存養民以言乎聖政至善而兆民允殖聖人所當體民而施政也夫法天立道化而民之存乎變斯能

有以神鼓舞之教體民施政推而行之存乎通
斯有以盡裁成之宜是故古之教太子者豫悌
其教以成天下之教豫豐其養以厚天下之養
古學禮曰帝入東學上親而貴仁則親疏有序
始恩相及矣帝入南學上義而貴法則長幼有
差始民不誣矣帝入西學上貴而貴德則聖智
在上而功不匱矣帝入北學上貴而尊爵則貴
賤有等而下不渝矣帝入太學上承師問道退
而端於太傅則德智長而理道得矣此五教之
既成於上則百姓黎民化輯於下矣於乎觀斯

禮也所以崇教養者不在茲乎乃孝宣皇帝臨
辟廱拜三老以先天下之讓唐太宗命東宮拜
三師以先天下之順誠可為永鑒也已我

太祖高皇帝諭

皇太子諸王曰昔有道之君皆身勤政事心存生民
所以能保守天下至其子孫廢棄厥德色荒於
內禽荒於外政教不修禮樂崩弛則天棄於上
民離於下遂失其天下國家為吾子孫者當取
法於古之聖帝哲王兢兢業業日慎一日監彼
荒淫可以長享富貴矣又曰君之於民猶心於

百體心得其養不為滯邪所干則百體皆順令
矣苟無所養為衆邪所攻則百病生焉為君者
能親君子遠小人朝夕納誨以輔其德則政教
修而恩澤布人固有不言而信不令而從者矣
若惑於儉邪荒於酒色必怠於政事則君德乖
而民心離矣天下安得而治臣仰惟

皇上光昭

祖訓

重幸辟靡元化風行於上國

歲誡天田膏澤普沾於下土所謂上好信則民莫

敢不用情者是已臣愚尤願

皇太子作聖之初

法願之養正而養賢以養民

法臨之教思而教家以教國宋儒程頤亦云民可
明也不可愚也民可教也不可威也其是之謂
乎臣謹上

宗教養箴

箴曰古聖教民教以五倫匡直輔翼民德惟新
古聖養民養以六府樹蓄耕穫民生得所鄉校
國學黨序街序範圍不過禮教就緒鄙正鄧長

間胥族師曲成不遺仁澤咸滋教養天下自國
本始篤厚民生肇修人紀

皇祖有訓軫惻元元敦崇政基澄清化源惟

皇紹法

身先天下

藉田厚生

幸學興化

聖嗣監茲

膏澤下民臣庸作歲

萬邦以貞

正禮樂儀解

解曰易謂乎正禮樂也易履之象曰上天下澤
履君子以辨上下定民志以言乎天澤有高卑
之象方以類聚物以群分而禮行乎其間矣豫
之象曰雷出地奮豫先王以作樂崇德殷薦之
上帝以配祖考以言乎陰陽有感通之幾流而
不息合同而化而樂興乎其中矣夫禮昭于履
君子履之而莊敬嚴肅之心生樂宣于豫君子
樂之而易直于諒之心生是故古之教太子者
禮以修外有文以形外心之勤樂以修內有質

以彰內心之敬樂記曰先王本之情性稽之度
數制之禮義合生氣之和道五常之行使之陽
而不散陰而不密剛氣不怒柔氣不懾四暢交
於中而發作於外皆安其位而不相奪也於乎
觀斯記也所以正禮樂者不在茲乎乃若師氏
教之以三德三行而保氏亦有六藝六儀之習
大司樂教之以樂德樂語而樂師亦有樂舞樂
儀之詔誠可為永法也已我

太祖高皇帝曰治天下之道禮樂二者而已若通於
禮而不通於樂非所以淑人心而出治道達於

樂而不達於禮非所以振紀綱而立大中必禮
樂並行然後教化醇一又曰論禮樂者必原於
德此至論也美德盛者禮樂明備否則禮樂不
興三代之德盛故禮樂達於天下後世德不如
古禮樂徒有其名而無其實王通以為有王者
出三十年而後禮樂興此本孔子必世而後仁
之說朕居位已三十年矣禮樂之文粗備而致
治不能如古揆德涼薄故也臣仰惟

皇上光昭

祖訓肇正

大禮自

郊廟

朝廷以及邦國而大節與天地同體載稽

大樂自

大報

大享以及燕樂而太和與神化同流所謂建諸天地而不悖質諸鬼神而無疑矣臣愚尤願

皇太子作聖之初

致禮以治躬而必率其性

致樂以治心而必約其情宋儒司馬光亦云聖人

履中正而樂和平其是之謂乎臣謹上

正禮樂箴

箴曰天尊地卑大禮必簡依夷典禮明倫叙典
陰變陽合大樂必易后變典樂諧聲協律三王
異世禮不相襲與時損益至中而極五帝殊時
樂不相沿與化流通至和乃宣周禮大備虞樂
盡善禮究十倫樂窮九變

皇祖有訓禮樂隆興作者謂聖述者謂明惟

皇紹法則象

天地觀禮于履觀樂于豫

聖嗣監茲中和位育臣庸作箴

萬年景福

審聽納箴解

解曰易謂平審聽納也舜告禹曰無稽之言勿聽弗詢之謀勿庸以言乎不稽于古不咨于衆者當遠而堅之也伊尹告太甲曰有言逆于汝心必求諸道有言遜于汝志必求諸非道以言乎鯁言逆耳異言從心者必審而納之也夫遠而堅之則讒說不得以殄行而君心之精一者渾乎其有定體矣審而納之則蓄疑不得以敗

謀而君德之協一者卓乎其有定守矣楚語曰
在與有旅賁之規位宁有官師之典倚几有誦
訓之諫居寢有替御之箴臨事有替史之道宴
居有師工之誦史不失書滕不失誦以訓御之
於乎觀斯語也所以審聽納者不在茲乎乃若
晉之沈馬江統以五事進諫乃拒而弗從唐之
詹事姚班以四事上疏或從而不改誠可為永
鑒也已我

太祖高皇帝曰責難之詞人所難受明君受之為無
難諂諛之語人所易從昏主信之為易入朕觀

唐虞君臣庶歌責難之際氣象從容後世以諂
諛相欺如陳後主江總輩汗穢簡冊此誠可以
為戒又曰人有公私好惡不同故其言有邪有
正正言務規諫邪言務阿諂謗言近於忠諛言
近於愛惟不惑於謗言則聰日聰而讒人自去
不眩於諛言則智益明而佞人自絕矣臣何惟
皇上光昭

祖訓

堯歌衢室咨四岳以明謨

舜訪總章闢四門以來善所謂清心以治之虛

以受之是已臣愚尤願

皇太子作聖之初

約以保盈奉奉服膺而勿失

謙以受益諄諄傾耳而不拒宋儒程顥亦云人君

雖從容燕閒必有誦訓箴諫其是之謂乎臣謹

上

寄聽納箴

箴曰堯設諫鼓置訟必懲舜命納言讒說罔陳

禹縣韜鐸昌言必拜武銘戶牖丹書受戒堯璫

雖綴視於無形絃索雖附聽於無聲矧惟重難

承基出震虛襟廣納撤膳深聽班彪諫言劉洎
法語逆耳當從犯顏弗忤

皇祖有訓必察過言芻蕘勿棄藥石罔捐惟

皇紹法作哲作謀恒采謙論茂啓嘉猷

聖嗣監茲虔以受人臣庸作箴

納誨惟明

文華大訓箴解卷之五

文華大訓箴卷之六

明治篇

臣莊誦

憲宗純皇帝御製序又曰賞罰公則無僭濫之忒而
小大之心服制財用則絕侈靡而經費有常飭
兵戎則戒窮黷而扞禦有備馭夷狄則廣威德
之施而謹夷夏之辨此皆制治宏綱臨御要道
不可有一之不明也既總論其綱又條列其目
舉而措之如運之掌耳尚其豫講而深究之哉
大哉

皇言真可爲萬世帝王治天下之大法也臣謹解其
義附以四箴其一曰公賞罰箴其二曰制財用
箴其三曰飭兵戎箴其四曰馭夷狄箴

公賞罰箴

解曰曷謂乎公賞罰也書曰天命有德五服五
章哉天討有罪五刑五用哉以言乎賞罰之權
皆出乎天聖人所以奉天而不違也禮曰爵人
於朝與衆共之刑人於市與衆棄之以言乎賞
罰之典當公平人聖人所以同人而無我也夫
奉天不違則慈惠以象生殖威令以象震耀其

諸天道之神矣。正。同人。無我。則無作好。以遵王
道。無作惡。以遵王路。其諸人心之正矣乎。是故
古之教太子者。明政德。以道之賞。而賞必酬。有
功明精意。以道之罰。而罰必懲。有罪。漢儒董仲
舒策曰。天道之大者。在陰陽。陽爲德。陰爲刑。刑
主殺。而德主生。陽常居大夏。而以生育長養爲
事。陰常居大冬。而積於空虛。不用之處。以此見
天之任德不任刑也。於乎。觀斯策也。所以公賞
罰者。不在茲乎。乃若商高宗。不僭不濫。成中
興之大業。周康王。畢協賞罰。克稱守成之令主。

誠可爲永法也已我

太祖高皇帝曰賞罰者國之大權人君操賞罰之權以御天下一本於至公故有功者雖所憎必賞有罪者雖所愛必罰賞必當功上不爲德罰必當罪下不敢怨不以小嫌而妨大政不以私意而害大公庶有以服天下之心又曰人君操賞罰之柄以御天下必在至公無善而賞是謂私愛無過而罰是謂私惡此不足以勸懲朕親漢高祖斬丁公封雍齒唐太宗黜權萬紀李仁發而賞魏徵之直皆至當可以服人臣仰惟

皇上光昭

祖訓

紹大舜之賞延于世而優渥屢霑于闕閤

思文王之罪不及孥而刑罰欽恤于囹圄所謂承

大意以從事而已無與焉者矣臣愚尤願

皇太子作聖之初

慈惠仁愛不施賞而民勸

莊敬嚴毅不加罰而民畏漢臣諸葛亮亦云治世

以大德不以小惠其是之謂乎臣謹上

公賞罰箴

箴曰天以陽生雨露洋溢王者慶賞施德象日
天以陰歛霜霰凜烈王者威罰修刑象月賞匪
私好明試以功文錫圭璫武貶彤弓罰匪私惡
哀矜折獄輕繫嘉赦重加誅戮德威惟畏德明
惟明奉若天道罔有弗欽

皇祖有訓律誥昭章以正朝廷以肅紀綱惟
皇紹法至大至公賞以春夏罰以秋冬

聖嗣監茲明德慎罰臣庸作箴

萬世允法

制財用箴解

解曰曷謂乎制財用也易節之彖曰天地節而
四時成節以制度不傷財不害民以言乎聖人
順天之道節財以裕民而不過其則也繫辭曰
何以聚人曰財理財正辭禁民爲非曰義以言
乎聖人察人之情行義以正民而不罹于咎也
夫節以裕民則取之有制用之有度而國需弗
匱義以正民則戒之用休董之用威而民生弗
盤是故古之教太子者以冢宰制國用燕知其
錢穀之豐耗以太府司財賦周覈其出入之多
寡雖王世子有不曾之文而亦未嘗有擅用之

制大學曰君子先慎乎德有德此有人有人此
有土有土此有財有財此有用德者本也財者
末也於乎觀斯傳也所以制財用者不在茲乎
乃若劉洎之敷微猷以宴安爲墮業之戒張昭
之陳正論以紛華爲蕩心之規誠可爲永鑒也已
我

太祖高皇帝曰人君制財與庶人不同庶人爲一家
之計則積財於一家人君爲天下之主當貯財
於天下豈可塞民之養而陰奪其利昔漢武帝
用東郭咸陽孔僅之徒爲聚斂之臣剝民蠹財

海內苦之宋神宗用王安石理財小人競進天下騷然此可為戒又曰人君理財之道視國如家可也一家之內父子不異貲其父經營儲積未有不為子計者父子而異貲家必隳矣君民猶父子也若惟損民以益君民衣食不足而君富豈有是理哉臣仰惟

皇上光昭

祖訓

準天地之節而損租之

詔屢頒

軫軍國之需而節用之

論類著所謂三者以民為基民以財為本是已臣愚

尤願

皇太子作聖之初

克勤于家而知損益之道

克儉于邦而知盈縮之宜宋儒楊時亦云先王所謂理財者亦均節之使當理而已甚是之謂乎

臣謹上

制財用箴

箴曰惟天生財惟國資用六府孔修九州作貢

洪範八政食貨爲先節其盈縮制以經權周禮
九職農穀爲貴掌於冢宰稽之司會鑄山爲錢
煮海爲鹽林衡澤虞罔弗攸無蒞革爲利皮革
爲幣角人卅入罔弗攸備

皇祖有訓君民一體視國猶家視民猶子惟
皇經法經國理民正之以義育之以仁

聖嗣監茲制節謹度臣庸作箴

承天之祜

飭兵戎箴

鮮曰易謂乎飭兵戎也易師之象曰地中有水

師君子以容民畜衆以言乎水伏於地兵伏於
一民當養民而豫教之也萃之象曰澤上於地萃
君子以除戎器戒下民以言乎澤依於地民依
於君當飭兵而豫防之也天養民以豫教則伏
至險於大順歲不測於至靜而天下之望定於
一飭兵以豫防則制治於未亂保邦於未危而
天下之政歸於一是故古之教太子者不惟明
昭利以道之文而又明除害以道之武禮曰春
夏學干戈秋冬學習箭箒於東序小樂正學干
大胥贊之箒師學戈箒師承贊之於序觀斯禮

也所以飭兵戎者不在茲乎乃若夏啓征有扈而桀戒六事之官胤征江漢而申命三事之緒誠可爲永法也已我

太祖高皇帝諭李善長曰朕於東宮官屬不別設府僚而以卿等兼之者蓋軍旅未息朕若有事於外必留太子監國若設府僚卿等在內必當啓聞太子或有聽斷不明而與卿等意見不合必謂府僚導之嫌隙由是而生朕所以特置賓客諭德等官以輔成太子德性且選名儒爲之賓友昔周公教成王告以克詰戎兵召公教康王

告以張皇六師此居安慮危不忘武備蓋繼世之君生長富貴泥于安逸軍旅一事多忽而不講一有緩急罔知所措二公所言不可忘也又曰用兵之道必先固其本本固而戰多勝少敗何謂本內是也內欲其實實則難破何謂實有備之謂也後世不知務此至有戰勝之餘遂忘武備往往至於取敗人孰不曰天下平定之時可以息兵偃武殊不知治兵之道可以消兵講武然後可以偃武若唐撤州郡之備卒召五胡之擾唐撤中國之兵終致安史之亂此無備之

驗夫當天無虞之時正須常守不虞之戒然則武備其可一日而忘哉臣仰惟

皇上光昭

祖訓

神武符堯勵樞府以布陣之法

聖武邁湯戒本兵以飭戎之機所謂聰明睿智神武而不殺者是已臣愚尤願

皇太子作聖之初

固大於其細而防微必謹

惟終於其始而制變有方宋儒張栻亦云兵政之

本在於仁義其爲教根乎三綱其是之謂乎臣
謹上

飭兵戎箴

箴曰天懸五緯惟金含精地產五材惟金象兵
聖人則之神武不殺大振六師有嚴九伐中春
蒐田中夏蒐舍中秋獮田中冬大閱牙璋起旅
秣輅揚威內震姦宄外禦裔夷地水惟師澤地
惟萃觀其大象允宜深慮

皇祖有訓內安外寧赫赫威聲濯濯威靈惟
皇紹法乃文乃武威震八荒光被九有

聖嗣監茲

天錫勇智臣庸作歲永享萬世

馭夷狄歲解

解曰曷謂乎馭夷狄也蓋之戒禹曰無怠無荒
四夷來王以言乎無忽於心無墮於政必迪謨
而後可以承遠也召公告武王曰明王慎德四
夷咸賓以言乎不作無益不貴異物必昭德而
後可以承遠也夫禹之文命敷于四海觀之禹
貢嶠夷嚮化渠搜革心罔弗來王而益猶以怠
荒爲懲武王之休烈被于九域觀諸王會罔越

裳獻雉西旅貢獒罔弗來賓而魯公猶以慎德
爲勸是故古之教太子者守則以國靜必有防
微杜漸之規出則撫軍勅必有文駕遠馭之策
禮曰東方曰夷被髮文身有不火食者矣南方
曰蠻雕題交趾有不火食者矣西方曰戎被髮
衣皮有不粒食者矣北方曰狄衣羽毛穴居有
不粒食者矣中國夷蠻戎狄皆有安居和味宜
服利用備器五方之民言語不同習欲不同達
其志通其欲於乎觀斯禮也所以爲其狄者不
在茲乎乃若晉命中生征畢落不知春秋豫防

戎裔之規唐命永乾狎突厥罔識周禮嚴設象
胥之旨誠可為永鑒也已我

太祖高皇帝曰中國之於蠻夷在制馭之何如蓋蠻
夷非威不畏非惠不懷然一於威則不能感其
心一於惠則不能懾其暴惟威惠並行馭蠻夷
之要道也古人有言以懷德畏威為強正以此
爾又曰海外蠻夷之國有為患於中國者不可
不討不為中國患者不可輒自興兵古人有言
地廣非久安之術民勞乃易亂之源如隋煬帝
妄興師旅征討琉球被害夷人焚其宮室俘虜

男女數千人得其地不足以供給得其民不足以使令徒慕虛名自弊中國載諸史冊為後世譏朕以海外諸蠻夷小國阻山越海僻在一隅彼不為中國患者朕決不伐之惟西北胡戎世為中國患不得不謹備之爾臣仰惟

皇上光昭

祖訓

照臨萬國集玉帛於軒墀

撫綏四夷通梯航於海嶽所謂帝王之御夷然外而不內疎而不戚者是已臣愚尤願

皇太子作聖之初

鴻圖廣運修文德以招徠

駿烈弘敷全武功而振耀宋儒朱熹亦云聖王制
御夷狄其本不在乎威彊而在乎德業其備不
在乎邊境而在乎朝廷其具不在乎兵食而在
乎紀綱其是之謂乎臣謹上

馭夷狄箴

箴曰天地界限河嶽網維中拱華夏外環裔夷
東際日域滄海澄波三韓冠帶航島謳歌西極
月竈青雲千呂三竺共球梯崖宛委南窵炎垠

占星納黃白雉興謠黃支沸詠北窮米漠望千
輪琛玄模修觀黃龍寶珍

皇祖有訓無競惟烈于河兩階玉帛萬國惟
皇紹法王者無外極天感德極地咸載
聖嗣監茲芳燭無疆臣庸作箴

嘉言孔彰

文華大訓儀解卷之六終